

陽城縣志

卷方輿城池 賦役
二 風俗 學校



陽城縣志卷之四

方輿

城池

縣城北魏興安二年築白渡澤移縣於此因營城郭爲治所明景泰初知縣劉以文磚甃之於東西門建樓南建房置敵臺九座浚濠加深嘉靖中知縣楊登磚其堞萬歷五年邑人王尚書國光謀於當事復加繕葺當事及有司各捐贖銀以襄事知州于達真佐之知縣張應詔董其役築石基城垣以磚甃視舊增高五尺厚半之袤五百五十有九丈增設敵樓十東北建城樓規

陽城縣志

卷之四

方輿

一

制始大備達真國光各有記崇禎間知縣楊鎮原復建樓於西北東西各增瓮城亦甃以磚後知縣李定策又建樓於城之正北國朝順治十六年知縣陳國珍雍正二年知縣彭景曾七年知縣吳紹祚並相繼修乾隆九年知縣謝廷瑜奉文復修凡城東西南三面剝者補之咸豐三年城樓頽甚知縣孫培金方議重築丁艱去四年知縣黃傳紳協同邑紳重新修建凡城周圍二里三百一十二步高二丈五尺雉堞五百四十五東西南三門門各有樓外拱極閣一座望遠樓一座小敵樓六座舊志云城西北隆起形勢天然東西長而南北狹東南狹逾甚



俗稱鳳凰城以形似也自下望之居人樓閣高出睥睨上蓋下
下高高因山營構矣舊志在明景泰中城已甃乃萬歷初王尚
書築城記則云舊係土城後先相抵若是豈甃於劉以文者至
是已久剝抑劉當時議欲甃而事未舉乎不然尚書之託何不
少一及之耶王尚書之謀修縣城也時朝廷出官庫金命有司
卽所居里爲治第宅尚書謝不敢當旣而曰君賜不敢辭竟以
其金甃縣郭然此事王公不自言卽于達眞記亦勿之言至
國朝澤州陳丞相作陽城白巷里免城役記始著其事時康熙
初議修縣城集衆計役尚書所居白巷里人言于邑令都甫述

公甃城之功令乃優公之子孫而免其役自城之甃也不二十
年當崇禎壬申癸酉寇盜叠至卒恃以安及順治初李自成部
賊劉忠衆數萬來圍城攻連晝夜然卒不得破者城甃甚固人
于是益思尚書之功

疆域

縣居省城正南澤州府城正西距省垣七百五十里距府城九十
里

東至封邨堡界四十里接鳳臺周邨鎮縣距鳳臺城九十里

西至臨澗里六十里接沁水小老峯界

南至小園坪九十五里接濟源嬰魚溝界

北至紫沙坳四十五里接沁水大嶺頭界

東之北到黃沙嶺界四十里嶺東屬鳳臺嶺西屬縣境

東之南到孤山口龍門河百二十里接濟源公娥澗山口界岸左

係鳳臺紫柏灘

西之北到老鸛嶺五十里接沁水張邨界

西之南到西哄哄沉百里接垣曲西河邨界縣距垣曲城二百里

南之東到吊驢橋百十里接濟源招軍垛界縣距濟源城百四十

里

陽城縣志

卷之四 方輿

三

南之西到磨扇渠百十里接濟源黃背峽界

北之東到望川四十里接沁水葦池界

北之西到大峪溝六十里接沁水辛家河界縣距沁水城九十里

關隘

白雲隘

縣東南百五里孤山之南前志所謂皂君梁即此近梁數武曰

風門縣界西峰轉處曰吊驢橋兩崖夾峙窄徑中通兩旁萬

丈深溝徑石厚與溝埒同治丁卯冬捻匪竄濟倉猝聞警將徑

石掘深設險以防勇丁露宿山坳風雪料峭有凍斃者因于戊

長春從橋西創建石城前後鑿以鐵門由是我軍優于俯擊而徒不能並轡仰攻又於山巔建有石窰卡房更可屯聚策應以壯軍威要隘也

火石梯

縣東南自二十里在荆子隘東盤谷西北峯極崔巍路尤險僻入白雲隘要路間礮臺在半山峰轉處設防徑窄勢險易爲扼要且石龕可避風雨山巔屯聚可備聲援山陰係官娥澗澗水入沁處亦當防守梯屬濟源咸豐三年髮逆攻圍懷慶時邑人王適昭侍御奉

陽城縣志

卷之四

方輿

四

旨團練與晉豫中丞會奏

諭下晉豫有警淮陽城在此防守

荆子隘

縣東南百十里白雲隘旁入之徑馬跡不通樵牧負販捷徑同治六年防禦時築有石壁高濶堅厚以斷人行邇聞由徑者墮石越境遇警當用石加高以慎防守

天尺嶺

鐮刀縫紐背路附

縣東南九十里在白雲隘西徑雖逼仄負販絡繹不絕有警當於嶺腰仄徑用石壘斷嶺巔設備鎗礮俟賊撤石時擊之易於

一羸退鋤刀縫紐背路俱在嶺東鋤刀縫路更險劣所謂左泥可封者紐背路嶺頭亦羊腸小徑易于防守然須有防乃可同治六年捻逆竄濟防堵嶺巔築有守卡

丁陽順

縣東南八十里從黃瓜掌石窠中盤屈而下深溝窄澗一線天光行二里許至山嘴仄徑兩崖深溝千仞曰仙人橋橋東麓於同治元年建有石卡邊牆居高臨下曰茅草坡險逼易守賊卽至坡斷橋仍難飛越黃瓜掌係此溝峻嶺雖可設防勢已散漫不若此處扼要橋西建有卡房

陽城縣志

卷之四

方輿

五

窟窿隘口

南呂門附

縣東南八十里在莽河側巉崖障水壁立水從石縫流出曰劔口山徑鑿石通行僅容一騎曰窟窿山有警易于堵塞西谷曰紅水村村南曰南呂門雖環萬山入濟界坡坂平行無險可恃遇警必駐此偵探退守莽坵甬或以木石塞徑或於望莽孤峯處備插石俯擊以斷躋攀最爲扼要

羊圈崖

狐盤嶺附

縣南九十里崖南五里曰小圈坪縣界地勢闊敞惟雪渡均險要可扼但均外聚落頗多臨事相機設防乃得雪渡均東有狐

盤嶺亦濟源入縣要路嶺至水紅池屬濟遇敵將池東圮欄柵
拆斷爲萬全之計

蓮花隘

大樂嶺附

縣西南百十里在析城南門河南通濟源西通鰲背山當從三
尺腰設防內隘係南門圮甬並南門頭形勢極險可以扼要坪
上湯廟祇可屯聚策應大樂嶺在析城東南入濟負販捷徑險
劣馬跡不通嶺上設防惜無聚落嶺東雙河寨官地坪行人絡
繹防察宜嚴沐沐坪係大樂嶺官地坪入縣要路更當設防策
應

陽城縣志

卷之四

方輿

六

磨扇渠

青龍口附

縣西南百十里道出盤亭渠南屬濟渠北嶺極高峻遇警嶺巔
設防建有卡房設鎗礮備插石可以扼要卡北聚落日照溝同
治六年團防又從溝北山麓建有邊牆守所以壯聲援此隘入
邵原關要路爲明末流寇出入門戶防宜加慎青龍口距此二
十餘里係此內隘兩山夾河尚易防禦踰此則歧入之徑多矣
西雙峽 五虎口附

縣西南百十里南入垣曲道頗衝要同治三年設汛汛旁窟窿
山遇警必先堵塞沁濟皆可旁通汛坐落深溝只可偵探當從

北嶺設防尚有險可扼五虎口距此二十里係汎內隘兩崖夾峙中通河路不廣可建石寨留洞門通河甚易防堵

按縣南隘口林立不止前志兩隘咸豐辛酉歲奉

旨團防查核十八隘皆與豫昆連係全晉東南門戶不得不較昔增詳以慎防守各隘籌畫皆當於險要處創建石堡仿白雲隘之周密堅固俾民勇審視深信此堡可居於必不死之地自能堅其不逃避之心民勇皆有不逃避之心而匪徒斷無不能禦之理且聞警後許隘外熟識居民移運粟物入隘增我壯丁減賊嚮道衆志成城有可恃之區無可入之隙則萬全之術也况

各隘晉南鄙一縣之屏翰克堅一省之籓籬自衛若腹內各口北曰仙公山紫沙坳西曰大峪溝東曰望川周村類皆無險可恃明末九條龍老獍猖諸寇從三面長驅直入各村焚掠蹂躪不忍殫述罹此變亂爲民計者甚貴入城自保去隘口城池遠者尤貴未雨綢繆修理舊堡增築新寨聞警將牧畜糧粟積聚運入寨中登陴固守賊野無所掠則不擊自退堅壁清野之法不外于是惜乎民無遠識每議修築喜落成畏圖始致臨事倉皇東奔西竄攜幼多羈身之累攜財開戕命之源甚可憫也然則籌防者可不於關隘加之意乎

津梁

河頭津 縣東二十里

王村津 縣東二十里

劉善津 即潤城津 縣東二十里

皆沁河官渡津濟處津各置官船一隻夏秋水盛以渡行者冬春水落則為橋通往來又縣東二十六里有上佛津縣東四十里有閻家津亦各置船一隻路非孔道特居人所自設以便往來者

東冶石橋 創建於乾隆七年名曰萬緣橋至三十五年因雨沖

陽城縣志 二 卷之四 方輿

場邑令宋本敬協同鄉耆重修連歲建而復圯三十九年東冶同知汪嘉濟復邀鄉耆王會珍諸人倡貲移址營造始落成焉汪記尙存於碣

西冶石橋 創始於乾隆三十年村眾各出貲力邑令胡邦盛捐廉贊成命之曰鎖雲橋胡公碑記尙存桑林水流其下

寶帶橋 在東郭青林河上乾隆初年創始于邑令孫際震逮四十一年橋圯不利民涉邑令宋本敬協邑紳捐貲重建命之曰寶帶橋宋公碑記尙存

通濟石橋 在東城外明宣德十年知縣劉綱建逮 國朝嘉慶

二十五年被水冲壞復建道光二十年至咸豐七年迭行頽塌里中紳耆捐貲重修

西關石橋 在總舖東

吉庄石橋 在水磨頭東明崇禎中邑人贈學士白所蘊建

通驛石橋 在下孔村東

觀音石橋 在柵村東

陽城官道

縣境在山中嶺坂峻阻車輿不至行者常苦其道路之艱在東者崎嶇尤甚累代勞于修治順治十六年知縣陳國珍帥邑民

陽城縣志二

卷之四方輿

九

重修康熙初侍御衛貞復修其西道而其東道則兵馬司田時茂葺之甃以方石始平坦無憂泥淖二十四年東郭真武閣外路為河衝知縣項龍章帥邑紳士民人復修雲南武定軍民府同知王所善為之記

形勝

崦山聳後析城拱前沁水繞左壑山雄右岡隴之勢四出渾成形勝之奇一方巨鎮舊府志

當太行之腹省會之南包鏑羣山襟帶眾水前府志

土地磽确坡坂崎嶇山谷深峻林菁叢茂舊縣志

古蹟

濩澤 城西三十里故濩澤城西北墨子曰舜漁于濩澤穆天子傳天子四日休于濩澤竹書紀年周顯王十七年晉取元武濩澤梁沈約附注曰即雷澤舜漁處

桑林 邑西南五十里近析城古桑林傳湯于此禱雨竹書紀年湯二十四年大旱王禱于桑林雨二十五年作大濩樂左傳襄公十年晉侯以偃陽予宋宋公享晉侯于楚邱請以桑林杜注云桑林殷天子之樂名按桑林大濩皆湯之樂桑林之與濩澤疑在是

陽城縣志二

卷之四方輿

十

漢濩澤故縣 在今縣城西三十里址尚存今名澤城村後漢時封劉巡鄧鯉為侯國即其地也

漢陽阿城 在今縣西北四十五里陽陵村漢封其石為侯國即此與後魏陽阿縣在今鳳臺大陽鎮者非一地

唐嘉州刺史岑參故居 在青蘿河畔唐岑參讀書處有南池夜宿思青蘿舊齋詩今無跡

金萬松堂 在城西四十里伏虎山之上金時刺史楊廷秀所建廷秀自為記

元麗澤堂 在屯城村元潞國公鄭鼎所居堂乃其祖泉建

賓客者今故宅尙存其門閭坊榻並元時物歲月最古矣

元清風亭

在東關青陽坊下有玉泉元時丞相脫脫之子禿忽魯來為縣主簿建此邑進士衛元凱為之記今碑尙存

元屯城渠

在城東北三十里俗傳其城秦白起伐趙時築以屯兵者元忠昌軍節度使鄭皋觀其下二溪可引溉屯城之田明請于郡守郭彥卿疏以為渠民受其利渠今尙存

明吳先將軍戰場

在北留墩明客將吳先與流賊老獬戰殲于此邑人給事中楊時化於其地立碑記之

唐徐綸龍泉禪院記碑刻

在本寺中 以下金石文字

陽城縣志

卷之四方輿

十一

唐司空表聖碑

在靈泉寺

後唐明宗賜洪密敕石刻

在靈泉寺

宋中書門下平章事王曾下澤州翻勅牒文石刻

在聖壽寺

宋政和六年封析城山神勅書碑

在析城山湯廟中

宋李之才殿丞詩刻

真宗時李之才以殿中丞守澤州答沙問

善懃詩並刻善懃秋郊晚望一首有進士閻天佑書碑陰舊本

刻置一僧寺中後為人取去今在田侍郎懋依園別墅壁上

宋黃叔敖許端卿題名石刻

在海會寺佛殿東壁行書大字

秀有法

宋張之才詩碣 在湯廟中縣令張之才去官日作詩辭湯廟里人爲刻于石詩云一官來此四經春不負蒼天不負民神道有靈應信我去時猶似到時貧

縣舊志作紹聖府志作紹興中紹聖誓宗紀年紹興高宗紀年高宗紹興中陽城已陷于金安得宋介哉府志誤耳

金許守謙海會寺詩碑 在海會寺中泰和乙丑刻石

金李晏何慮揚之休鄭暉劉廷彥海會寺詩碑 在寺中

元李俊民修太清觀碑 在本觀中

官署 庫獄 倉廩 舖司 諸公所 營房附

陽城縣志

卷之四 方輿

七

陽城縣署在城東北化源坊明洪武四年知縣李昂建大門一廡上建樓三間東西鐘鼓樓各一座儀門三間並東西角門各一座自儀門入大堂三間大堂前東西各科房十四間大堂東首爲徵收錢糧科西首爲縣庫大堂後入爲二堂三間東西門房各二間二堂東爲花廳計三間大堂東北爲知縣宅上房一座七間東西房十間大仙樓一座在上房正南廚房一座計五間在上房東南二堂西書房二座計六間馬廐在縣治西偏內有馬王殿一座礮庫一座各三間署頭門東北爲循神祠一廡顯門西偏監獄一所女監一座其邑令修署者天順中曹銘正德

中郝安嘉靖中鄒頤賢辛珊萬歷中王雅量及 國朝康熙中
都甫項龍章許岳生線棟並加修葺同治二年知縣徵廉協同
紳士盧廷棻田汝翼等重建大門樓鐘鼓樓大堂二堂花廳
教諭宅在文廟東

訓導宅在教諭宅東

縣丞宅在知縣宅南今廢

主簿宅在正廳西今廢

典史宅在正廳東南

府同知署在東冶村乾隆二十二年由鳳臺攔車鎮移駐此

陽城縣志

卷之四 方輿

三

舊察院行署在立平坊

舊布政分司在察院西今廢

舊按察分司在布政司南今廢

公館在化源坊街南今廢

陰陽學在化源坊街南今廢

醫學在陰陽學南今廢

縣倉在城隍廟西

社倉四所 潤城 下交 王曲 北留今廢

演武廳在城南門外

養濟院在東關

漏澤園在東進里烟村今廢

義塚在東郭外明邑人澧州同知陳仲第施地三畝有碑存

舖司

總舖在西郭外

下孔舖縣東十里

沁渡舖縣東二十里

北留舖縣東三十里

李邱舖縣西十里

陽城縣志

卷之一 方輿

四

陽邑舖縣西二十里

友泉舖縣西三十里

芹池舖縣西四十里

泉秀舖縣西五十里

大峪溝舖縣西六十里

以上舊設雍正二年知縣彭景曾奉文添設舖司房十處

洸壁縣東三十五里

南留縣東二十五里

劉善縣東十五里

後則腰縣東五里

水磨頭縣西五里

王曲縣西十五里

圪針腰縣西二十五里

堡子灘縣西三十五里

五里庄縣西四十五里

呂家河縣西五十五里

墩

李邱 陽邑 南上 芹池 泉秀嶺 下孔 沁渡 北留

陽城縣志二

卷之四方輿

五

安陽

堡

下孔 北留 屯城 沁渡 上佛 王村 潤城 劉善

王曲 美泉 獨泉 銅家 宜固 四侯 劉村 北安陽

營房

雍正二年知縣彭景曾奉文添設營房十二處

在城營房 城東下孔營房 沁渡營房 北留營房

城西郭外營房 李邱營房 陽邑營房 友泉營房

芹池營房 泉秀營房 大峪溝營房 孤山營房

雍正七年北留下孔西郭外李邱湯邑友泉泉秀營房皆汰去
其東冶村新建營房墜臺係乾隆五年知縣謝廷瑜奉文添設

壇廟 寺觀附

社稷壇 在城西北隅

風雲雷雨山川壇 在城南

先農壇 在縣南一里雍正四年知縣彭景曾奉文買藉田六年

知縣吳紹祚建壇殿同治三年沒於河知縣徵廉移建南壇側

厲壇 在城北二里

八蜡廟 在西關外

陽城縣志

卷之四 方輿

去

城隍廟 在城中懷古坊其廟自昔有之不知建始何代明洪武

初知縣李芾主簿方渭更葺廟屋凡五十四楹宏敞堅緻有宋

訥碑記宏治庚戌縣丞劉澤等重修其廟之大門與齋堂官廳

儀樓畫廊及廟前牌坊則成化中主簿呂鐸所增設規模壯麗

為一邑祠宇冠冕焉

軒轅廟 在劉善村北天增山

虞帝廟 在縣南三十里劉福庄邑人傳沁水縣有歷山為舜耕

處又言舜漁于濩澤因立廟於此臨澗河側亦建 帝廟

成湯廟 縣中各里皆有成湯廟以祈雨澤舊志只書其四其東

廟在立平坊宋熙甯中建一修于宣和時再修于元至元元貞時西廟在懷古坊俗名二不知何時建明萬歷年修南廟在縣

東南二里俗名南神廟國朝康熙十年邑人田侍郎六善修同治

初重修成湯廟在析城山上宋熙甯九年河東旱通判王仵禱

雨獲應上言其事詔封山神為誠應侯宣和六年以廣淵之廟

題勝湯祠加封析城山神嘉澗公勅書勒石安廟壁上七年重

修湯廟及嘉澗公祠為屋合二百楹金時廟圯復燬于野火元

初元帥延陵珍與邑人王元武等共修復之李俊民為之記

唐太宗廟 境內甚多惟在縣南黃龍山香臺山縣西吼神山最

陽城縣志 卷之四 方輿

著舊志云太宗為秦王時常引兵至此後人因立廟祀焉今盡廢矣

關帝廟 各里建廟莫不尊親惟東關為 諭祭廟其建甚久元

元統明正統宏治及 國朝康熙後累加修葺殿宇重疊如畫

風神廟 有三一在濩澤故城南嶺去縣二十五里一在風神嶺

去縣十里柏林茂密小崦山亦有神祠柏林掩映逾於風神嶺

高禰祠 各里皆有惟在城東南者為專祠

龍祠 無里不建在北崦山最著金泰和中有雙溪遺老韓士倩

碑云唐天后時祠宇肇興中宗神龍元年以有靈應遣中使焚香

賜以服烏封靈顯侯昭宗加號普濟王周世宗時廟祀愈甚宋
太平興國三年加號顯聖累著靈蹟禱雨輒應其行宮有三在
菴堰西曰南崦山碑載靈異在宜固都曰西崦山環祠皆松祠
側古檜一株三人接抱未盈其圍洵千餘年物城外東岡曰小
崦山柏林仿北崦山黑龍廟一在靈通山側一在棲龍潭東龜
山黃龍祠卽唐太宗廟不在此例

土地廟 境內亦多最著者一在南關一在西關者中有古檜一
亦數百年物

玉皇廟 在東關北傳爲唐天寶中建金章宗時常修之舊有王

陽城縣志

卷之四 方輿

六

廷筠碑今存

楊侯

鎮原

祠在城西北五岳廟西側天王臺雖祠宇湫隘偏處天

王殿後乃前明崇禎間籌畫禦寇親建之順治樓也迨入 國
朝康熙丁卯祠頽墓削邑令項龍章修葺封樹及乾隆癸卯邑
令紀曾藻重爲葺祠懸聯至道光壬午邑庠生張心源慨前志
半削戰功塋墓全行侵割呈請邑令張力卓反其侵田詳於志
墓次年又於外墻裏蔽中搜出楊侯同時中丞張鵬雲所撰戰
績石碣士民爭傳感激功德重彰邑令馬德梁昌和相繼捐廉
葺宇題額賦詩憑弔不忘曾於咸豐癸丑乙卯邑境內外不靖

楊侯呵護有靈戊午秋邑紳衛浚都王通徽盧廷蔡諸人呈請
邑令王佩鈺立案崇祀酌定於每年七月十九日侯之誕辰紳
士協同城關商民邀集長官同僚王其祀事演劇三日書吏亦
得趨踰焉因舊祠高聳霓裳獻曲礙邀神聽另肖像於新廟東
殿祀期香火雲集白叟黃童便於瞻拜永垂祀典奉行勿替逮
同治六年陽高泉瘋顛某入祠捐像典史任廷颺立拘懲治令
其塑像飾宇又於十三年捐廉置祭田五畝每歲獲租定於清
明前二日司事者虔備冥鏹脯醴邀集官紳上塚祭掃以報殊
恩卽於墓側飲福此祭田責成文社收租存管漸有積貲爲建

陽城縣志

卷之四

方輿

九

壇亭添秋冬兩祭之需嗚呼楊侯戰績獲保全陽德深功偉百
世難忘凡葺祠崇祀者代士民報答無疆皆當設位於祠之偏
殿祀羣公卽以報楊侯也澄城令王用傑崇禎七年爲諸生時
赴京請張中丞爲撰戰績碑記與張太宰記並傳均設位祀焉
徐侯璈祠在縣南北嶺廟側距城四十五里

天王廟 在城西北隅當最高處俯視山川邑里堪輿家謂之天
柱徵民多眉壽斲之爲臺不知何時始遠近瞻望煥映空表

五岳廟 在天王臺下砌於金元時廟前古柏係縣風脉禁伐

開福寺

在縣西化源坊石晉天福四年建

府志北齊
天保年建

舊名文殊

寺金大定中改名福嚴洪武初改今額僧會司居之乾隆十七年寺僧元實等重修

保甯寺 在福民坊寶蓮閣塌毀於道光末年里人重建之

鷲峰寺 在縣東三里東坡

福緣寺 在西城隅一曰西寺古柏森森近千年物

華嚴寺 在城南一里一名十方院有石幢字漫滅不可復識圯

廢已久 國朝康熙二年僧恒愍募復建今成叢林

彌陀寺 在縣東十里澤河之濱香嚴山下咸豐年擴增院宇

雲峰寺 在縣東十里山腹雨後噴泉流轉澗石寺南懸溜融結

陽城縣志

卷之四 方輿

三

小隆奇秀四崖植柏蒼翠境極幽邃昔人顏之曰萬柏巖

龍泉寺 在縣東三十里龍泉之側一名海會唐乾甯元年建初

名郭峪院蜀僧順愍增修後賜額龍泉禪院舊有舍利塔明嘉

靖中邑人李思孝增造爲十三級塔北更勅佛殿藐山方丈則

大宰張慎言所葺修竹千竿流水九曲佳境也

龍岩寺 在縣北三十里白岩山亦稱白岩寺明釋祖湯梵誦其

中有白兔聽經之異白尚書所知有龍岩石龕銘敘其事

開明寺 在縣東北三十五里隋開皇中建明正統中重修其地

林木蒼蔚雙泉風湧明萬歷初劉鴻訓相國張愷晉太守孫鼎

相尙書孫居相中丞四人同時讀書寺中後皆大貴寺僧每說
爲盛事寺久廢僧心印者力任興復致功數十年今伽藍更新
壽聖寺 在縣西北四十里後唐僧宗慙建天成二年舍利放光
宋初改爲泗州院毀于眞宗時天禧間僧法澄等重建治平四
年賜額壽聖王澤州錄敕付本院有中書門下平章事王曾牒
文碑明萬歷間僧惠海建琉璃塔

雲堆寺 在縣東二十里峪溝相傳仙人呂岩曾遊于此

金臺寺 在縣南二十里石臼村卽古之康林鎮

靈泉寺 在縣北四十里卧虎山麓松柏翠蔽岩谷間寺有後唐

陽城縣志二 卷之四 方輿 三

明宗與僧洪密勅書司空侍郎碑金時刺史楊廷秀構萬松亭
於其上寺中有石磬一不雕不琢音聲清越銅鐘銘云後晉開
福年作其形橢而不圓乃洪密遺物僧徒傳寶之

千峰寺 在縣西南八十里盤亭山側相傳後唐明宗爲將時常

至此踐位後勅建寺焉寺與靈泉海會爲邑中招提之最勝昔

時多遊者懸詠尤衆 府志云明宗駐軍高平洪密預識之爲建

靈泉禪院經樓百餘間司空圖撰碑如此
言則寺乃明宗建碑亦似明宗使圖作之者矣考圖于昭宗時
知朱溫欲行篡逆義不負唐卽引身去雖以禮部尙書召終不
肯應未幾聞昭宗之禍不食數日卒安得至後唐時尙存而爲
作碑哉蓋昭宗所爲太尉駐高平者乃晉王李克用是時明宗
以克用義兒雖爲將猶未貴顯觀司空氏所爲碑文云密由清
涼山歷覽至是乃柳林樓之所遇太尉李公首資構葺則院本

洪密自建克用特以資財助其功耳密既成禪院求記司空事乃如此而廼謂經樓齋堂一百餘楹爲是勅建殆僧徒夸大之言非實錄也惟明宗隨克用軍中或早與密相識及代莊宗卽位因密上表稱賀遂改賜禪院加以寺額耳府志于千峰寺下亦云明宗駐此卽位後勅建是又訛一事爲兩事矣

福勝寺 在壽聖寺北近寺雙潭澄碧其一四圍石厓水自厓出一似盆狀其旁有石如獅子對踞其始建蓋未詳也

太清觀 在懷古坊金大定時建舊有閣高四十丈鑄鐘萬筋道士李洞靈所作李俊民爲記道會司居之

太極觀 在縣西南四十里元時所建

岱岳觀 在臺底村府志作太岳云金孫仲遠提點南都上清宮

陽城縣志

卷之四方輿

三

告歸請改太岳廟爲觀

萬齡觀 在白澗嶺

靈泉觀 在王村

長生觀 在淇汭村

眞武閣 在東郭旁有化龍池

塚墓

宋如京使兵馬都監何漢榮墓 在縣西北五里有神道碑存其

文王虞撰碑字多闕

宋征南懷遠大將軍進太子少傅燕亮墓 在縣西四十里南次

營村

元潞國公鄭鼎墓 在屯城村有碑存學士王磐撰

元澤國公鄭制宜墓 在屯城有碑存學士王構撰

元忠昌軍節度使鄭皐墓 在屯城碑存平陽儒學提舉袁耽撰

元湖廣行省鄭昂霄墓 在縣東南二里墓有碑二一左司郎中

許有壬撰一學士揭傒斯撰至元三年正月立石許碑尙完揭碑已仆碎

元四川行省田輔墓 在縣西五里

元贈奉大夫陽城縣男尹公墓 在縣東八里

陽城縣志

卷之四

方輿

三

明河東道左參議前陽城令陳州楊公鎮原墓 在南壇右鎮原

以崇禎八年去任累遷河東道左參議沒之日戒其子曰陽城

我桐鄉吾死後魂魄依依不捨不必輿櫬還里也遂墓邑南壇

側 國朝康熙丁卯年知縣項龍章加封樹每歲清明備牲醴

致奠歲久曠廢墓旁隙地被居民某割侵道光二年生員張心

源呈控署任知縣張力卓勘驗追還丈量立石標界四周植柏

夫塚墓有志所以存古辟邪刊脅銘字已磨翁仲不存尺壘猶

在斯乃記之若明代至今歲月未久券臺纍纍安得畢錄哉指

羊虎之原續城塚之記畧不必備以俟後人其楊鎮原乃獨書

者桐鄉嗇夫既多遺愛伯鸞高人墓近要離舉以志焉事從其
特不欲其跡之泯於來世也

